

ԳՐԻԳՈՐ ՆԱՐԵԿԱՑՈՒ «ՄԱՏԵԱՆ ՈՂԲԵՐԳՈՒԹԵԱՆ» ՊՈՒՄՐ

ՍԱՐԳԻՍ ՄԽԻԹԱՐՅԱՆ

Գրիգոր Նարեկացին մեղանում ընկալվել է որպես բացառիկ համահայկական սրբություն, և ժողովուրդը նրա մասին հորինել է բազմաթիվ ու բաղձարնույթ զրույց-հրաշապատումներ¹: Մեր մշակույթի սլամուսթյան մեջ նա այն հանճարներից է, ում հանդեսը հետաքրքրությունը շարունակաբար մեծանում է:

Նրա «Մատյան ողբերգության» երկն անսովոր գեղարվեստական կառույց է², ու գեռևս առաջադրվող հարցը՝ սլոն³, թե՞ աղոթք³, ենթադրում է ոչ վերջնական մի սլատասխան: Գուցե երկուսը միաժամանակ, քանզի նա հեղաշրջում է նախընթաց ողջ բանաստեղծությունը՝ առաջադրելով ձևի և բովանդակության նոր կառույց, որի ուսումնասիրության համար բոլորովին նոր մտայնումներ են սլահանջվում⁴:

Մուտքն այդ բառակերտ տաճար սկսվում է զոհաբերության ծես-հանդեսով:

Ձա՛յն հառաչանաց հեծութեան ողբոց սրտից աղաղակի
Քեկ վերընծայեմ, տեսողդ գաղտնեաց....
Ձսլատուղ ըղձից ճենճերոյ սասանեալ մտացս՝
Բուրվաւաւ կամացս առաքել առ քեղ....(Ա,Ա)⁵:

Արտաքուստ անարյուն այս զոհաբերությունը չափազանց նման է արյունալիին: Այսինքն դա նույն սլատարակի խորհուրդն է: Աղոթք-հաղորդություններ բանաստեղծը մի գերադույն նսլատակ է հետապնդում: Թող էլյանքի գրքում գրվի իր անունը, կործանումից փրկվի իր անձը: Դրա համար անհրաժեշտ են մեծապուրն ջանքեր:

Ձի ամենայնիւ մտհացեալ հողիւ մարմնովս մեղաց՝
Շնորհաւք քո, գթած, ի քեկ դաւրացեալ՝ քեւ նորագեցայց,
Ձատեալ ի մեղաց անմահ կենդանութեամբ (ՂԵ, Գ)⁶:

Դ. Ալիգերիի հերոսը բացարձակ լույսի մեջ է տեսնում «սլատկերը մարդու» հասնելով գերգոյի ճանաչմանը, ուր մարդ և Աստված միաձուլված են⁷: Այդ «ձուլման» մասին է գրում Գր. Նարեկացին⁸՝ Աստծու շնորհիվ

¹ Ա. Ն. Յ ա կ ա թ յ ա. Александр Кулебякин и Армения. Ереван, 2003, с. 190.

² Մ. Ա Ր Ե Կ Յ Ա Ն. Երկեր. Հ. Գ, Երևան, 1968, էջ 583-886:

³ Ժ. Ք ա լ ա ն թ ա թ յ ա Ն. Գր. Նարեկացու «Մատյան ողբերգության» պոեմի և ողմտաների անչուլթյունները. Ս. Էջմիրածին, 1997, էջ 3-5: Լ. Շ ա ն թ. Երկեր. Հ. 9, Պեյրուսի, 1916, էջ 113:

⁴ Յ. Մ. Ո Ւ Կ Ս Է Վ Ի Շ. Целительный свет. Читая Нарекаци, Ереван, 1997, с. 93.

⁵ Գ Ր. Ն ա Ր Ե Կ ա Գ Ր. Մտտեան ողբերգութեան (այտուհեակ՝ Մատեան). Երևան, 1985, էջ 247:

⁶ Երկն տեղում. էջ 640:

⁷ Դ. Ա Ղ Ի Գ Ե Ր Ի. Աստվածային կատակերգություն. Երևան, 1983, էջ 409:

⁸ Վ. Ձ ա ղ ա յ ա Ն. Հայ փիլիսոփայության սլատմություն. Երևան, 1975, էջ 356:

«անմահ կենդանութիւն» ստանալու հույսով: Աստծու էութեան մեջ արտացոլված է մարդը, մարդու մեջ ապրում է Աստված, քանզի նա նաև բացարձակ լույս է, կյանքի և ամենայն գոյի սկզբնապատճառ: Սա նորալատոնական հայացքի դրսևորում է, որը աստիճանաբար, մանավանդ XI դ. սկզբում, վերածում է վերածնական մտածողութեան⁹: Բանաստեղծը կյանքին տված իր բնութագրումներից մեկով բացահայտում է ժամանակային տիրույթում մարդու և կյանքի փոխհարաբերութեան հարցը.

Տարր ժամանակիս՝ յանէից,

Անցեալն՝ անյայտ, եւ ապառնին՝ կարծողական,

Ես՝ անհամբեր, եւ բնութիւն՝ թերահաւատ,

Ոտք՝ անհաստատք, եւ միտք՝ ցնդեալք,

Կիրք հարկաւորք, եւ բարք՝ անժուժկալք,

Մարմին՝ մեղսամակարդ, եւ յաւժարութիւն՝ երկրասէր,

...Անպատրաստ դտեալ գիս ինքեան,

Մեղքն կենդանացան՝ յանդիմանեալ յարդարութեանցն,

Եւ ես մահացայ կինացն եւ կենդանացայ կորստեանն (ՄԷ, Ե)¹⁰:

Մեղքերի մեջ խճճված և տանջահար քնարական հերոսը աստվածասեր է, հայկական մտածողութեան հնատիպի շրջանակներում նոր եզերք ստեղծող: Ողբերգականութիւնը Մատյանում ամենևին նշան չէ հոգևոր ճշմարտության և թուլութեան: Ընդհակառակն, այն համլետյան մի խրոխտ մենախոսութիւն է, որից պարզ զգացվում է հերոսի անընկճելի կեցվածքը՝ ընդգեմ կյանքի մարտահրավերների: Իսկ կյանքը նարեկացու և յուրաքանչյուր քրիստոնյայի համար մի փոթորկուն և հարափոփոխ ծով է:

Այսերկրային ժամանակը հոսուն է, անկանգ: Այնեղկրային հավերժին հասնելը տեղի կունենա պատմական ինչ-ինչ աստիճանակարգեր անցնելուց հետո.

Անպարտելի քաջութեամբ եւ անպատիր զդաստութեամբ,

Ընդ դժնեայ գոռողի մարմնոյս բռնութեան արիապէս մարտուցեալ,

Սովիմբ վանեցին զանմարմինն Բելիար

Եւ մշտամարտ հանգիսիւ յասպարիզի կենցաղոյս,

Առանց զգուանաց ծանրաբեռնութեան

Ի յայնաժաւալ ծփանաց աշխարհիս ծովու,

Տապանակաւ մարմնոյս թանճրութեան

Ձթեթեւութիւն հոգւոցն թռուցեալ

Ի նաւահանգիստն կենաց հասին (ՁԲ, Գ)¹¹:

Կյանքի ալիքների միջով խռովահույզ հոգին մարմնի նավակով հասնում է կյանքի նավահանգիստը: Շարժումն այդ քառսում սկսվում է մի ինչ-որ չորոշարկված կետից՝ «ի խորոց սրտից», որտեղից հույզերը, մտքերն ու բառերն ուղղվում են առ Աստված՝ հասնում որոշարկման: Կիրառելով տատանողական շարժման համաչափ կրկնելիութեան սկզբունքը՝ բանաստեղծը կարողանում է քնարական պատումի տեղապատույտներին այնպիսի պարբերականութիւն տալ, որ գրանից առաջանում է նաև հզոր

⁹ Վ. Ջ ա լ ո յ ա ն. Հայկական ռենեսանս. Երևան, 1964:

¹⁰ Գ Ր. Ն ա Ր Ե կ ա ց ի. Մառեան, էջ 465-466:

¹¹ Նույն տեղում, էջ 577-578:

Հոսանք, ներքին շարժում, գլուխների մեջ անցում մեկից մյուսին: Իննսուներեք գլուխներն այն հանգրվան-աստիճաններն են, որոնցով քնարական հերոսն անցնում է երկրային ոլորտից դեպի երկնայինը (Եղիշեն Կա պատկերել է լուսեղեն աստիճանների ձևով): Ծովային անհայտ ու անմշակ ընդերքից, անհայտ շրջակա տարածությունից նա հասնում է ադոս ձևեր առնող մի նոր իրականություն լույսով ու երկնային ցողով թաթախված: «Աստվածաշնչում» ծովը կյանքի խորհրդանիշն է գրեթե բոլոր առումներով, իսկ ջուրը՝ այն փորձությունների ու վտանգների, որ հետապնդում են մարդուն: Մ. Մեծարենցը գրում է, թե «Հոգեկան վրդով մրրիկ մըն է»¹² Գր. Նարեկացու Մատյանը: Դա միանգամայն ճիշտ է: Նրա պատկերային և նշանային համակարգում ծովը կարևոր է նաև նրանով, որ բաղում խորհրդանիշների մեջ ամենաորոշակին կյանք-ծովինն է, ինչը ևս հանդես է գալիս իբրև արարչագործ միջավայր՝ շնչավոր էակ¹³: Այգտեղ երկնային և երկրային տարրերն ու տարբերքները միախառնվում են և դառնում հեշտ թափանցելի, փոխակերպելի: Դա «ազատ տեղաշարժվելու», մի վիճակից մյուսին, մի իրականությունից մյուսին անցնելու դյուրություն է ստեղծում: Իր «Եկեղեցւոյ» տաղում բանաստեղծն իր միտքը բանաձևում է այսպես.

Երկինք ի յերկիրս, և երկիրս ի յերկինք,

Վայրէջք ի խոնարհ, և վերելք ի բարձունս¹⁴:

Նրանք կապված են անխղելիորեն, իսկ խղումը, թեկուզ շատ կարճ ու ժամանակավոր, կբերի աղետի: Նրանց կապն ու միախառնվածությունը նման է Հայելային գուգադրում-արտապատկերներին, երբ երկինքը երկրի և երկիրը երկնքի արտացոլքն է, ինչպես դա կարելի է տեսնել Հովհ. Այվազովսկու ծովանկարներում: Այստեղ է, որ պարզվում է երկու իրականությունների, երկու կառույցների մեծ և փոքր մոդելների միմյանց կրկնակր լինելը:

Քնարական հերոսը մի անսովոր պահվածք էլ ունի: Նա մշտաթուխ մի գոյ է, որը մտքի ճախրանքով հասնում է ամենուր: Հոգու այս անսովոր աշխարհադրությունն էլ է զարմացնում, քանզի յուրաքանչյուր գրական երկի հերոս երևակայորեն է նվաճում իրականությունը կամ, որ ավելի ճիշտ է, երևակայական իրականությունը: Բայց տարօրինակն այն է նաև, որ նա (Նարեկացու քնարական հերոսը) ֆիզիկական ներկայություն է զգում ամենուր՝ իրեն համարելով նկարագրվող գոյերի մի մասը: Մտքի այդ անսովոր շարժումները (հորիզոնական և ուղղահայաց) նրան օժտում են անսահման ազատությունը: Դրա հետ մեկտեղ՝ բնության որևէ

¹² Մ. Մեծարենց. Նարեկացիին հետ. Երկերի լիակատար ժողովածու. Երևան, 1981, էջ 266: Հետազոտողներին շատ են գրավել Նարեկացու ստեղծած ծովապատկերները: Դրանց մերթ խորհրդապաշտական, մերթ իրական նշանակություն են տվել: (Տե՛ս Լ. Մ. Կրտչյան. Արդյոք Նարեկացին ծով տեսնո՞ւ է. - Հայոց լեզու և գրականություն (հոսիսների ժողովածու), № 7-8, Երևան, 1987, էջ 395-404):

¹³ Ե. Մարգարյան. Դրվագներ Հին Հայաստանի հոգևոր մշակույթի պատմությունից. Երևան, 2001, էջ 92-93 (80-117): Հայկական հնագույն պատկերացումներում ծովը մի ամբողջ աշխարհ է, ուր հրեղեն ձիեր են ապրում, ջրահարսեր, ոգիներ, նույնիսկ ստորջրյա քաղաքներ ու շինություններ կան, ինչպես «Սասնա ծռեր» էպոսում, երբ Սասնասարը իր գեներքը հանում է ծովի հատակից (տե՛ս Սասուցի Դավիթ. Երևան, 1990, էջ 104-109):

¹⁴ Գր. Նարեկացու. Տաղեր. Երևան, 1957, էջ 110:

երևույթ, առարկա կամ մարդկային գործունեությունն առանձին ոլորտ նկարագրվում է՝ թողնվելով, որպեսզի ինքնադրսևերվի մինչև վերջ: Բանաստեղծը չի միջամտում՝ չկաշկանդելու համար, այլ արձակում է բոլոր սանձերը, որպեսզի տարերքի մեջ դրանք իրենց զարգացման բարձրակետին հասնեն: Սրանով նա հնարավորություն է ստանում անսահմանի սահմանները գծելու, անտեսանելի տեսանելի, անհասանելի հասանելի, անպարագրելի սահմանազատելի դարձնելու:

Այս ճախրանքների ժամանակ նա սկսում է «նեղվել» մարմնի թանձրություններից: Կրկին սուր կերպով գիտակցում է, որ դեռևս անհնար է ազատվել ներհակություններից: Ինքը՝ որպես երկփեղկված գոյ, իր մեջ կրում է հակադիր ուժեր¹⁵: Նրա էությունը երկու կողմերը կրկնում են իրար՝ գրական և բացասական ծայրաբևեռներով, հերոս-հակահերոս գեղագիտական ընկալումով: Դրանք իրարով են փոխալսմանավորված և բխում են ծայրահեղ անհրաժեշտություններից: Կ.Յունգի կարծիքով ներհակ ուժերի անհրաժեշտությունը գիտակցությունն է ծնել Մեֆիստոֆելին¹⁶: Եթե մի կողմում դրական գերգոյն է, հզոր արարչագործ է-ն, ապա նրա դիմաց պետք է լինի մի այլություն, որը հակակշիռ հանդիսանա և հավասարակշռություն մտցնի գոյություն ունեցող ուժերի միջև.

Ըմպանակք երկու յերկոսին ձեռին,
Մինն՝ արեամբ, եւ միւսն՝ կաթամբ,
Երկու բուրանոցք կայծակնաւորք,
Մինն՝ խնկով, եւ միւսն՝ ձենձերիւ,
Սկաւառակք կրկին կրաւորականք համոց,
Մինն՝ քաղցու, եւ միւսն՝ գառնութեամբ,
Բաժակք զոյգ առ երկուս բերմունս,
Մինն՝ արտաւսր, եւ միւսն՝ ծծումբ....
Դրունք տեսանելեաց ներհակաց,
Մինն՝ ի լաց, եւ միւսն՝ ի վրիպումն....
Համբարձումն երկակի բազկաց,
Ոմն՝ ի հարուածս, եւ ոմն՝ ի մերժումն,
Դէմք կրկնակի կերպից,
Մինն՝ տխրեալ, եւ միւսն՝ ցասուցեալ,
Կշտամբանք ընգ միոյ երկու,
Մինն՝ աստեացս, եւ միւսն՝ ապառնեացն (Լ. Գ)¹⁷:

Անգամ արեգակի ամբողջականությունը երկակի է՝ «Մինն՝ խաւարի, և միւսն՝ կիզման»: Լ. Մկրտչյանը Գր. Նարեկացու քնարական հերոսին համեմատում է Յ. Դոստոևսկու հերոսների հետ¹⁸: Կայծակի այն սեպը, որ մխրճվում է մարգու էություն մեջ և նրան կիսում է երկու մասի, ձգվում է դեպի երկնային անհունը: Երկփեղկվածությունը ալիքը տարածվում է բնության և ողջ տիեզերքի վրա: Քնարական հերոսի ողբերգության ակունքը այդ ներհակություններից ազատվելու անհնարինությունը գիտակ-

¹⁵ Վ. Չ ա լ ո յ ա ն. Հայ փիլիսոփայության պատմություն, էջ 352–353:

¹⁶ К. Г. Ю н г. Душа и миф. 1997, с. 101 – 111.

¹⁷ Գր. Ն ա ր ե կ ա ջ ի. Մտեան, էջ 365–366:

¹⁸ Л. М к р т ч я н. Пусть рассказана будет..., Читая Нарекаци, с. 4.

յումն է: Աստվածայինը, լուսավորը տրված է ի սկզբանե, չարիքը պարտադրված է կյանքի կողմից: Այդ ամենը հավթահարելի է, երբ մարդը դիմում է Աստծուն: Բայց երբ մարմնի չափավոր պահանջմունքները փոխակերպվում են անզուսպ կրքերի, անհնար է դառնում կյանքի խաղաղ ընթացքը: Դրանք հեռացնում են մարդուն երկնքից և գցում նրան հակոտնյայի իշխանության տակ, պատճառ դառնում իրական և խորհրդապաշտական մահվան:

Իսկ դառիթսն մահու ղիպուածս

Դժոխարմատ ծառոյս գառնութեան պտուղք՝

Ընտանիք թշնամիք, հարազատք հակառակք եւ որդիք դաւաճանողք,

.... Սիրտս նանրախորհուրդ, բերանս չարախաւս,

Ակնս յայրատատես, ականջս վրիպալուր,

.... Անձն տարադիր, աւանդ վաճառեալ,

Գազան վիրաւոր, թռչուն նետահար,

Փախտական քարավէժ, ըմբռնեցեալ վնասապարտ,

.... Արգ, այսքան վնասակարութիւնք

խարգախութեանց յաճախագունից,

Յորոց յոմանց խարեցայ իբրեւ գլիմար,

եւ յոմանց տիրեցայ իբրեւ զտկար՝

Կամաւ մատնեալ զիս ինքն մահու (ՄՁ, Ա)¹⁹:

Ինչպես աստվածաշնչյան, այնպես էլ մեր միջնադարյան վարդապետական դրականության մեջ տիրապետում է այն հաստատուն կարծիքը, որ հակառակությունները սանձված են ու հաշտեցված: Դրանց թույլ չի տրված մեկի՝ մյուսի ազդեցություն ուրտից դուրս դալ, այլպես կյանքը կդադարի գոյություն ունենալուց: Ի վերջո հակադրությունները մարդու մեջ ևս համադրված են: Այսպես.

Քանզի թէ եւ ի փառս ահաւորութեան սքանչելեաց մեծիդ՝

Հակառակաւքն հանդերձեցեր զկազմած մարդոյս,

Ձոմն՝ ծանր, եւ զոմն՝ թեթեւ,

Ձմին՝ զով, եւ զմիւսն՝ հրային,

Ձի դիմադրութիւնն ի հակառակացն հարթ պահեցեալ (ՁՁ, Ա)²⁰:

Աս արդեն հակադրամիասնության օրենքն է և որքան դեղեցիկ ձևակերպված: Իր չար դործերի պատճառով մարդը հայտնվում է սատանայի լարած թակարդում: Աստված նրան (մարդուն) տալիս է ազատ ընտրություն և կամքի ազատություն իրավունք: Հր. Թամրազյանի կարծիքով քնարական հերոսի ողբերգության ակունքներից մեկն էլ այն է, որ Աստված մարդուն մենակ է թողել այստեղ: Գալիս է Որդին՝ փրկելու մեղսագործ մարդկությունը և պատուհասվում նրա կողմից: Մնում է Հիսուսի ուսմունքը՝ որպես մեծագույն հույսի արտահայտություն²¹: Իմանալով Աստծու անսահման գթասրտության և նույնիսկ անդիջում խստասրտության մասին՝ միևնույն է, մարդը չի փոխում իր վարքը: Ինչպես.

Ոչ պակաս, քան զփարաւոն՝ զստեղծուած սրտիս իմ խստացուցի,

¹⁹ Գր. Լարեկացու Մատենան, էջ 467-469:

²⁰ Նույն տեղում, էջ 592:

²¹ Հր. Թամրազյան. Հայ քննադատություն. հ. Բ, Երևան, 1985, էջ 97:

Ոչ թերի, քան զբերայականին խուժանին կատաղութիւն՝
 Ընդդէմ արարչիդ համբարձայ,
 Ոչ նուաղ, քան զաստուածամարտիցն՝ դտայ հանդէս
 Եւ ոչ խորշեցայ ի յուրացութենէ ստեղծողիդ բնաւիցս:
 Ըստ աւրինակի խոովութեան մրրկաց ծովու ծփեցայ,
 Ոչ այնքան սարսեցի եւ պատկառեցի ի սաստկութենէ քումդ հրամա-
 նի.... (Զ, Գ)²²:

Տիրահալած հերոսը հասկանում է, որ ինքը երբեք հնազանդ չի եղել բարձրյալին: Կյանքի ծովում՝ անմշակ միջավայրում, նա հեռանում է Աստուծոց: Հենց այստեղ էլ (ալեկոծ ծովում) նա Բելիարի հետ «Մահուն մուրհակ գծեալ, եւ աւետեացն կտակ եղծեալ» (Դ, Բ): Եվ փակված են փրկութեան բոլոր դռները. «Սլանողին մթեր լցեալ, եւ պահողին գանձն կապտեալ» (Դ, Բ): Այս հուսալքումի և խաբվածութեան անհունում, երբ սուղագ է վերջնական կորստի սպառնացող վտանգը, շողում է լույսի մի թույլ ճառագայթ: Եղիշեն Վասակ Սյունու համար ասում է, որ մահվան պահին խոստովանութիւնն չերևաց նրա շրթունքներին, և նա ճաշակեց հեղձամաղձուկ մահը²³:

Փրկութեան միակ ճանապարհը նախ՝ անկեղծ հավատն է առ Աստված: Այդ գեպքում անգամ հանցապարտին ներվում է մեղքը, ինչպես «սլու-
 նիկն, որ ի տեառնէ գովեցաւ», և «զմաքսաւորն, որ ի բարեգործէն յիշե-
 ցաւ» (Ժ, Գ): Իր համար ցավալի է, որ մեղքի պատճառով է հակվել դեպի հավատը, ոչ թե ի սկզբանէ: Ուստի տենչում է Տիրոջ հետ լինել ոչ թե պարզեւներ ակնկալելով, այլ սիրո կապանքներով նրա հետ միանալու հա-
 մար, ում ձեռքով կկործանվի սատանան.

Եւ ի կողահերձ, սայրասուր սլաքէ ուժգին բախմանէ,

Որով զվէրն մեծ ընկալաւ,

Իսպառ սատակեսցի սկզբնարար մահունն (ԻԸ, Ը)²⁴:

Սատանայի մեծագույն հանցանքն այն է, որ վրիպել է (թեև դրանից է սկսվել ամեն ինչ), այլ այն, որ չի ապաշխարում: Նա հայհոյեց Տիրոջը նաև նրանով, որ անմեղների մեծ բանակը «մահու խողխողեալ» կորստի մատնեց: Նրան իշխանութիւնն է տրված մարգու վրա, բայց նա չարիքներ է գործում՝ բնավ չապաշխարելով: Նրան բնութագրում է իբրև՝

Ընտանի դաւաճան, մերձաւոր վատնիչ,

Հարազատ սատակիչ, կցորդակից սպանող:

Առ Աստուծ ոչ գոյր դառնալ, զի ուրացեալ էր զնա....(ԾԱ, Ե)²⁵

Նա կմնա գժոխքի տիրակալ, մինչև Երկրորդ գալուստ:

Նարեկացին, նկարագրելով հայկական քրիստոնեական տիեզերքը²⁶, նաև նկարագրում է դրախտը, որի տեղը նախանշում է Ա. Շիրակացին²⁷:

²² Գ. ր. ն ա ռ ե կ ա ց ի. Մատեան, էջ 267:

²³ Ե ղ ի շ Ե. Վարդանի և Հայոց պատերազմի մասին. Երևան, 1971, էջ 130:

²⁴ Գ. ր. ն ա ռ ե կ ա ց ի. Մատեան, էջ 358:

²⁵ Նույն տեղում, էջ 449-450:

²⁶ Զ. Ա վ Ե տ ի ս յ ա ն. Քրիստոնեական տիեզերքը Ե դարի մատենագրութեան մեջ, Քրիստոնեութիւնը և հայ գրականութիւնը. Երևան, 2001, էջ 40-42:

²⁷ Ա. Շ ի ռ ա կ ա ց ի. Մատենագրութիւնն. Երևան, 1997, էջ 119:

Պոեմի առաջին գլուխների հոռետեսական տրամադրություններն աստիճանաբար տեղի են տալիս ցնծուն տրամադրությունը⁶: Քնարական հեյուսը ձգտում է դեպի սրբերն ու մարտիրոսները, սերոբներն ու քերթները՝ որպես Տիրոջ առաջ բարեխոսողների: Վերջապես նա հանգում է վախճանաբանական խնդիրների արծարծմանը, դտնում, որ երկրային պատերազմը կունենա իր երկնային շարունակությունը: Նարեկացու պոեմի քնարական հերոսը լուսավոր ուժերի կողքին է ու պայքարում է հանուն մեծ ազատություն:

«Ցրուեա՛ վերստին քոյինագէն հեծանաւս, աւժանդակեալ թեւաւք նշանիդ, ... ցաւագին ցոյմունս, հրախաւար կեղծաւորութեան փշման բազմոտանի վիշապին» (ՂԲ, 2): Ուրեմն պատերազմն ավարտվելու է «վիշապի» և նրա գործակիցների կործանմամբ: Սա քրիստոնեություն կարևորագույն գաղափարական հիմնահարցերից մեկն է: Այն մի կողմից՝ արժանացել է մեծ գովեստների, մյուս կողմից՝ քննադատության՝ այն տրամաբանությունամբ, թե հակադրության ծայրաբևեռները անհրաժեշտություն են և չի կարելի մեկը կամ մյուսը բացառել: Միջնադարը առանց չորս տարրերի խնդրի քննության գոյություն չունի: Մատյանի առաջին գլուխներում տիրապետում է ջրային տարերքի նկարագրությունը փոթորկուն ծով, անդնդային խորություններ: Սակայն աստիճանաբար գործունեություն ու լորտը երկրից տեղափոխվում է դեպի երկինք: Միջավայրի, տրամադրություն առաջադրվող փոփոխությունների հետ իրար են հաջորդում տիրապետող տարերքները: Հողին և ջրին (թանձր տարերք) հաջորդելու են գալիս օդային և հրային (թեթև) տարերքները: Ամպրոպի և կայծակի, ծիածանային դուլների տիրապետումն ու նկարագրությունը ստեղծում են նոր միջավայր և հոգեբանական նոր իրավիճակ: Այստեղ ևս բանաստեղծը բացահայտում է հակադրության նոր բևեռներ: Փաստորեն մի կողմում ծանր թանձր, սարերքներն են, մյուսում՝ թեթև: Երկնային ոլորտները նկարագրելիս արդեն թանձր տարերքները փոխակերպվում են իրենք ևս: Զուրը վերածվում է անձրևի, հողը՝ երկնային տարածություն, որն ավելի շուտ տեսիլք է, քան նյութական գոյ: Հակադիր տարերքները այսպիսին են. մի կողմում՝ ծանր, մյուսում՝ թեթև, մեկում սառը, մյուսում՝ ջերմ հակադրությունները: Եվ եթե տարերքներից մեկը պակասի, ապա կխախտվի մարդու ներգաշնակ կեցությունը: Իր հողեղեն էությունից քնարական հերոսը հեռանում է՝ տիրանալու համար իր էություն մյուս ձևին՝ օգեղեն-ոգեղենին: Գոյավիճակների փոփոխությունը նշան է անցողիկից հավերժականի սնցման: Իրականում աստիճանակարգման հերթականությունն այսպիսին է. հողի թանձրուկից ստեղծվելով՝ գոյն անցնում և փորձվում է ջրային միջավայրում՝ մշտածուփ ծով-աշխարհում, և վեր հառնելով՝ թափանցում այսերկրային կյանքում անհասանելի՝ այներկրային նոր միջավայր: Գր. Նարեկացին կոնկրետ է նկարագրում դա. «արդ, միաւորականաւս այսու ուղիդ ամբծութեամբ ի յաւանդ իսկապէս շնորհի անդրէն միւսանգամ համբարձեալ սովիմբ, ի թուիչս թեւոց լուսոյ ահա յերկինս ժամանեցից հետե-

⁶ Այս առիթով Պ. Խաչատրյանը նկատում է. թե երկու հոգեվիճակներն էլ բնորոշ են Գր. Նարեկացուն, և սխալ է Կ. Քիսրայանը՝ պնդելով, թե Մատյանի և Տաղերի հեղինակները տարբեր բանաստեղծներ են (Պ. Խ ա չ ա տ ը յ ա ն. Գր. Նարեկացին և հայ միջնադարը. էջմիածին, 1996. էջ 75):

ւեալ: Այլ քանզի յարգանդէն, յորում յղացայ՝ հոգեւոր երկամբք ծնիցեալ... Այս մայր հոգեւոր, երկնաւոր, լուսաւոր, քան թէ երկրաւոր, շնչաւոր, մարմնաւոր, զիս գգուեաց որդի: Կաթն ստեանց սորա՝ արիւնն Քրիստոսի: Եթէ Աստուածածնին իսկ պատկեր զսոյն ոք գրեսցէ, ոչ անաւրինի» (ԼԵ, ԺԲ)²⁹: Մորը սրբացնելուց զատ նրան համեմատում է Աստվածածնի հետ՝ դա անօրինութիւնն չհամարելով: Այստեղ մտածողութեան հնատիպը ակնհայտ է (մոր՝ որպէս սրբի պատկերացումը, ստինքներից՝ որպէս երկրի պտուղներից գինի և հյութ հոսելը և այլն):

Արարչագործութեան առաջին տարրը ջուրն է, որից ծնվում է հողը³⁰: Դրա վերևում օդն է, իսկ ամենավերևում՝ հուրը: Հրեղեն տարրերը մաքրագործող է, հավերժ սուրբ՝ լուսի և ջերմութեան աղբյուր: Մարդն էլ իր ծնունդով նման է Աստվածորդուն, որի պատճառով նա պետք է փորձի կատարելութեան հասնելու ճանապարհով կրկին նմանվել նրան: Երջանաւորում է հավերժ վերադարձի գաղափարը ծնվել, հեռանալ, վերադառնալ նույն ակունքը: Ուստի բանաստեղծն առաջադրում է մարդու աստվածանալու հիմնադրույթը: Մ. Մկրյանը դրում է. «Նա (Գր. Նարեկացին – Ս. Մ.) ձգտում է հասնել աստծուն և իր մարդկային բնութիւնը կատարելապէս խառնել ու միացնել նրա էութեան հետ, և գեռ ավելին, նա գտնում է, որ մարդը կարող է նույնիսկ աստված լինել»³¹: Ոչ միայն արծարծվում է միավորվելու խնդիրը, ինչպէս նորպատոնականութեան արևելյան միստիկների դեպքում³², այլև.

Եւ զոր ահաւորն է սսել, կարգեմ աստանաւր,

Յիշատակ եղեալ մեծիդ երախտեաց՝ Աստուծ իսկ լինել ընտրութեամբ շնորհին

Եւ ընդ հաստողիդ միանալ՝ տէրունի մարմնոյդ ճաշակմամբ

Եւ ընդ լուսոյդ կենաց խառնութեամբ (ՄԻ, Գ)³³:

Մարգն ստեղծված է Աստծու կողմից, բայց շնորհով կարող է նրան հափասարվել և աստվածանալ (հասկանալի է, որ այս դեպքում մարդն արարիչ լինել չի կարող): Դա Տիրոջ կողմից տրված մեծագույն բարիքն է: Այդ իսկ պատճառով նա պետք է բարեզարդի տիեզերքը, ձգտի փրկութեան և ոչ թե կործանի իրեն:

Օգտագործվում են նոր նշան-տարրերներ: Հրով Աստված ի չիք է դարձնում ապականյալ աշխարհը (Սողոմ-Գոմոր): Մաքրագործող հուրը Մատթանի սիմվոլիկայում դառնում է նոր տարրեր, նոր գույն. «Ընձեռեա՛ մեզ, ձեռն ամենալի, որ բանաս եւ մատուցանես պատրաստաբար բաշխմամբ ի մասունս բազմապիսիս, աւդոց քաղցրութիւն, անձրեաց շահեկանութիւն» (ՂԲ, Թ)³⁴: Ծովի խռովահույզ ջուրը փոխվում է բարեբեր անձրևի, խոնավ ու ցուրտ հողմը՝ ջերմաբեր գեփյուղի, իսկ քնարական հերոսը հառաչանքի փոխարեն հնչեցնում է ցնծուն մեղեդի. «Սկզբնապար

²⁹ Գր. Նարեկացի. Մատեան, էջ 546–553:

³⁰ Ծննդոց, Ա., 9-10:

³¹ Մ. Մկրյան. Հայ հին գրականութեան պատմութիւն. Երևան, 1976, էջ 524:

³² М. Т. Степанянц. Философские аспекты софизма. М., 1987, с. 40–41.

³³ Գր. Նարեկացի. Մատեան, էջ 453:

³⁴ Նույն տեղում, էջ 617:

նախընթացում թեև անհամար ջանքերով և անհամար ջանքերով, բարացուցական բամբուռն բառացի բարառնություններով, սրինգ նույնիսկ այլ իմն տեսակալ առեալ մեզ ընդ հնոյն փոխանորդութեամբ, ոչ հեթանոսաւրէն ուրուածայն հնչման եւ կամ հրէաբար խակախոհութեան» (ՂԲ, Ը)³⁵: Ինքը հնչեցնում է նոր երգը ոչ հեթանոսորեն, այլ քրիստոնեաբար: Դա նոր երգն է՝ վերափոխված, ուրախարար, աստվածալուր: Հնչեցնողը նոր մարգն է՝ վերստին ծնվածը: Միստիկ բանաստեղծը, որ բնութայն մեջ տեսնում է Աստծուն և իր կապը տեսանելի բնութայն հետ համարում կապ արարչի հետ, հաղորդակցութեան պահին մի կողմ է թողնում միջնորդ սղակները և գերակատարներին: Իր Մատյանը մի կամուրջ է, որով հերոսը պիտի հասնի Աստծու մոտ, միանա նրա հետ. «Ի յայս կամուրջ ցանկալի, անխոտոր եւ անխոտորնակ եւ ի վերնաշաւիղ, բարձրաբերձ, սրբահետ սանգուղ երկնաչու առ Հայր քո աւրհնաբան... Հոգևոյդ առաջնորդութեամբ միանալ ի քեզ անընգմիջելի» (ՂԲ, ԺԱ)³⁶:

Կամուրջ-աստիճանի վրա թողնելով իր մեղքերը՝ քնարական հերոսը հասնում է երկինք: Մատյանի յուրաքանչյուր գլուխը կամրջի մեկ աստիճանն է: Հասնելով երկինքի գարպասներին՝ նա մի անհրաժեշտ արարողութիւն էլ է կատարում՝ օծելով մարմինը: Դա հոգու վերածնութեան պարտադիր նախապայմանն է. «սոյնպէս իւղս այս փրկութեան լուսով կատարելով հեղեալ ի մեզ աւծանէ զարտաքին խորանս, իսկ գներքին մարգս, աներեւակ ծածկապէս մտեալ, նոր կենդանածնէ» (ՂԳ, Գ)³⁷: Այստեղ լուսը Աստծո խորհրդանիշն է՝ բարձրագույն բարիքի արտահայտութիւնը, յուրը՝ սրբութեան կնիք-նշանը, մաքրագործման առարկան: Կյանքի նոր սկիզբը պետք է ամրագրել օծումով: Մաքրագործումից բացի «Ոչ է աւագան կատարեալ առանց աւծման աւժանդակութեան» (ՂԳ, ԺԴ): Օծումը սրբացման և մաքրագործման խորհրդանիշն է³⁸: Այդ նաև բժշկվելու և աստվածային զթասրտութեան արժանանալու մի եզակի հնարավորութիւնն է. «և զՀոգի անմահիդ փչման սովաւ եւ սոյն արդիւնատրեցեր. երկունք կենաց, որոյ կերպարան յառաջ եկելոյն» (ՂԳ, ԺԴ):

Բուն օծման նշանակութիւնը կապվում է Օծյալի՝ Հիսուս Քրիստոսի անվան հետ: Քրիստոս հունարեն ΧΡΙΣΤΟΣ «Օծյալ» է նշանակում³⁹: «Զի որպէս ոչ է համարձակել ուրուք յերկրայնոցս աստուած անուանիլ, այլ աստուածային, նոյնպէս ոչ բերէ մարմին զՔրիստոսու անուն անձին համարել, այլ զքրիստոնեայն, անտանելի նախնոյն մեծութեան մկրտչին՝ ջուրք զՀոգին հրաւիրողին. Քանզի չեմ ես, ասէ, աւծեալն, այլ առաքեալ առաջի նորա» (ՂԳ, ԺԴ)⁴⁰: Տերն իր Ավետարանը սկսում է քարոզել Մկրտչի օծումից հետո, և նրա (Հիսուսի) անունով մյուսները քարոզում են օծվելուց հետո: Օծումը պարտադիր է թե՛ հոգևոր, թե՛ աշխարհիկ ա-

³⁵ Նույն տեղում, էջ 616:

³⁶ Նույն տեղում, էջ 618:

³⁷ Նույն տեղում, էջ 621:

³⁸ Ըստ Գր. Նարեկացու, ինչպես ճարպի մեջ սուղված պատրույզը՝ հրով այրվելով (ինքն օծված լինելով) լույս է արձակում, այնպես էլ «աւծութիւն լուսոյ առ ի մեզ հեղեալ, ի հանդերձեալսն ջահաւորի» (ՂԳ, ԺԵ):

³⁹ Տես նոր բառգիրք Հայկազեան լեզուի. հ. 2, Երևան, 1981 (արտատպ. Վենետիկ, 1837), էջ 1025:

⁴⁰ Գր. Ն ա Ր Ե կ ա ց ի. Մատենան, էջ 629:

ուղնորդների համար: Իսկ դա մի կողմից մաքրագործվելու, մյուս կողմից՝ վերափոխվելու (վերածնվելու) խորհուրդն ունի իր մեջ: Օծվելով Հիսուսը հաստատվեց իր աստվածային գերի մեջ (Ս. Հոգին առնելով), մնացյալները ձեռք են բերում աստվածեղեն (սուրբ) հատկանիշներ:

Չլինելով նյութի փոխակերպություն, այլ հենց ինքը՝ ամենայն ինչի սկիզբը, նա հայտնվեց աշխարհում, որ լուսավորի բոլորին, փոքրի ու անօգնականի համար առավել օգտակար լինի, որպեսզի տնանկը չկարոտի, և «ընչեղն բարձրամտեսցի», որպեսզի լույսը և խավարը հավասարապես տարածվեն: Ոչ թե Տիրոջ նմանությունը Քրիստոսի մարմնով աշխարհ եկավ, այլ հենց ինքն իր մարմնով: Պարզեած շնորհներից ևս մեկը լրացվեց: Ընդդեմ Քրիստոսի՝ փրկել իրեն «յերկիւղէ գիշերի», ցանկանում է, որ ամաչի սատանան, և պակասեն «գէնքն սայրասուրք»: Իր «մահացեալ հոգին» էլ:

Ձատեալ ի մեղաց անմահ կենդանութեամբ՝

ի յարութեանն արդարոց, Հաւր քում աւրհնեցեալ» (ՂԵ, Գ)⁴¹:

Անմահությունն ձգտող Մատյանի քնարական հերոսը նույն է դրան հասնելու ճշգրիտ ուղին: Իսկ Աստված-հրեշտակներ-երկնային մարմիններ՝ կատարյալից անկատարն իջնող և հակառակը՝ անկատարից կատարյալը գնացող աստիճանակարգը մարմնավորող Բ. Բոլոնիացու բաժանումը Ս. Ձաքարյանը նույն կերպ է ընդունում⁴²:

Սմբողջացնելով մեր ասելիքը՝ նկատենք, որ Գր. Նարեկացու մտահոգությունն ակունքներն այսօր էլ նույնքան վտանգավոր են, իսկ ազնիվ ձգտումները՝ նույնքան արդիական: Նրա տեսիլները որքան էլ խորքային-գեղարվեստական միջոցներ⁴³, նույնքան էլ մեծ երազանքներ ու արդարություն հավերժական ձգտումներ են: Բնավ պատահական չէր Կ.Յունգի այն զգուշացումը, թե «նախորդ գարաշրջանները (մարդիկ – Ս. Մ.) չէին չափազանցում՝ ասելով, թե հոգին չի ազատվել գեմոնիզմից, իսկ մարդկությունը, զարգացնելով գիտությունը և տեխնիկան, իրեն մոտեցնում է վտանգավոր մոլեղնությունը (աշխարհի կործանմանը – Ս. Մ.)»⁴⁴: Այստեղ է, որ կրկին կարևորվում է անցյալի մեծերի դերը մեր կյանքում: Գր. Նարեկացին մեծ բարոյագետ-մարդարան է: Իր Մատյանով նա կարողանում է հասնել մարգու ճանաչողության մի անհասանելի բարձր աստիճանի: Դա բանաստեղծի անսահման սիրո և մարդասիրության դրսևորումն է՝ կատարված մարդու համար և ուղղված առ Աստված: Քրիստոսն արյունալի, Գր. Նարեկացին անարյուն զոհաբերությունը փորձում են իրկել մարդուն կործանարար վտանգներից, ֆիզիկական և բարոյական աղետներից:

Իսկ «Մատեան ողբերգություն» պոեմը մի անմահ ստեղծագործություն է՝ բոլոր ժամանակներն իր մեջ պարփակող, բոլոր ժամանակների մեջ պարփակված:

⁴¹ Նույն տեղում, էջ 640–641:

⁴² Ս. Ձ ա ք ա ը յ ա ն. Մարդու Հիմնահարցը XIII–XV դդ. Հայ փիլիսոփայության մեջ. Երևան, 1999, էջ 55:

⁴³ Հ. Է. Թ ա մ ը ա զ յ ա ն. Նարեկյան դպրոցը. Երևան, 1999, էջ 156–164:

⁴⁴ К. Г. Ю н г. Указ. раб., с. 286.

ПОЭМА ГРИГОРА НАРЕКАЦИ "КНИГА СКОРБНЫХ ПЕСНОПЕНИЙ"

SARGIS MKHITARYAN

Р е з ю м а

Статья посвящена выявлению некоторых художественных особенностей поэмы гениального поэта X в. Григора Нарекаци "Книга скорбных песнопений". Особое внимание обращается на то, что поэт создает внутренний сюжет развития лирической поэмы. Во взаимоотношениях земля и небо, душа и тело обсуждены основные аспекты их первостепенности и второстепенности и оценена роль книги в поэзии армянского средневековья.

GRIGOR NAREKATSI'S POEM "BOOK OF LAMENTATIONS"

SARGIS MKHITARYAN

S u m m a r y

The present article is devoted to the illumination of some fictional peculiarities of the 10th century celebrated poet Grigor Narekatsi's "Book of Lamentations". It is especially important to mention that the poet creates the plot's development of lyrical poem. Primary and secondary characteristics in the interrelation between the heaven and the earth, spirit and body are discussed and the role of the book is evaluated in the scope of the Armenian medieval poetry.